

MY BIBLE FIRST

PRIMARY YEAR A
Q 4 #46

Samuel in Pasion' Sapna Za

SUNDAY

1 A nu le pate in Shiloh ah amah kia a nusiak khit uh ciangin Samuel adingin bangzahn na khempeuh kilamdang mawk hiam! Tu in amah pen siampi lianpenpa Eli tawh omkhawm hi. Eli in zong ama sungpan a piang ta taktak bangin it hi. Samuel in nuamsa in thu zong mang mahmah hi.

Ahizongin tua naupangno in siampipa a huh thei takpi diam? Huh thei lua zen ei! Naupangno khempeuh in a pai theih vua kipan mi huhthei ta hi. Samuel in a sawt loin a sep-theih tampi om hi, cih hong thei hi. Eli in meihal biakpiakna a vutte a paih khat ciangin amah in a dompih dingin ki huhsak kha ding hi. Tua nasep pen a vui a nin mahmah hi napi in Samuel in nuamsa mahmah hi.

Amah in biakna tau siangsak-in tuikhohnate nawt-siang kha ding hi. Amah in tuitawi-in biakbuk kimteng munphiah neu tawh phiat cih bang sem kha ding hi. A kism tuamtumte khawng vala hi kha ding hi. Ama sep theih ding tampi tak om hi. Tua hi a, amah honggol semsem ciangin a septheih hong tam semsem hi.

Eli' tate zong siampi hi-in, Eli' nasep a huhpente ahi


KAMNGAH

'Naupangno khat ka hi lel hi,' ci kei in. Kong sawlnate kiangah pai-in kong thupiak peuhpeuh na gen pelmawh ding hi. Jeremiah 1:7.

Do not say, "I am a youth," for you shall go to all to whom I send you, and whatever I command you, you shall speak. Jeremiah 1:7

uh hi. Ahi zongin Samuel hong khantoh sungin Eli tate in bangci gamtat ding teel uh hiam? **1 Samuel 2:12.**

"Kisiacip" acih in a lipkhap-huai mawhna bawl cihna hi. Nak dahhuai! Samuel in amau omzia zui dingin na um hiam? Zui lo hi. Amah a neu-lai hangin asia apha khentel thei ta hi. Tua ban-ah, mite in bangbang a sem uh zongin amah in a nuntak laiteng Pasion it-in muanga, a thu man ding khensat khin ta hi.

 **NGAIHSUN-IN:** Samuel tawh a kibang deihteelna na bawl khin hiam? Bangci danin mi na huh thei hiam? Tu a sangin na koici huhthei zawlai diam?

MONDAY

2 Pasion in siampi lianpenpa in a mite (Isreal) a dingin gamukpa bang hidingin gen hi. Amah in a mite etteh dingin Pasion it in a thu mang dinga a mite zong a tuaci gamtat dingin hilh ding hi. Tua

banga ahih uh leh Pasion in amaute thupha pia in minam lian-in bawl ding hi.

Eli in Pasion zahtak in a thuman ding a thupit lam thei himah leh amah in a tate tua dingin hilh lo hi. Nau-pangte in nu-le-pate zahtak loin a thu a man kei uh leh amaute in Pasion zong zahtak loin, a thu manloh ding a sinsin uh ahi hi.

Eli tapa nihte ahi


Hophni le Phinehas te in thumang ding ki-hilh kha lo hi. Thu a manloh uh ciangin a pa Eli in omsak ziau hi. Amah in hoih lo hi ci-a a theihte nadongah, amaute deihte pia lel hi. A tate in amah a it ding a deihte manin, amaute daan thuak ding kilawmte zong thuaksak lo hi. Bangzah in dahhuai in, haivai lua hiam!

Tu in Hophni leh Phinehas te miginalo leh siampi




© sweetpublishing.com; License—<http://creativecommons.org/licenses/by-sa/3.0/>

mawhnei ahih lam uh mite in thei khin uh hi. Eli in amau khialhnate a hilh sawm hangin, a neu-lai vua a sep ngeiteng mah sem veve uh hi. Amaute in a pa thugen ngai beek lo lai uh hi. Tua bangteng a piankal-in Samuel in bang hih hiam? **1 Samuel 2:18.**

 **NGAIHSUN-IN:** *Na khatpeuh na nget ciangun nu-le-pate in hong piakpah ding na lunggulh ngei hiam? Khialhna khatpeuh na bawl ciangin hong thuaksak sekei leh cih khawng na lunggulh ngei hiam? Amaute'n hong it luat man uh hi. Tua banga hong piak pah lohna abihkeh hong thuaksakna hangin lungdam lo nahiam?*

TUESDAY

 **3** Isreal mite in a maan teel ding haksa hong sa den uh hi. Ahi zongin a makaite un Pasion' thukhunte zuilo uh a, Pasion thu manloh ding lam ah mite ki-ettehsak uh hi. Ahi zongin mi tampite in Eli' tapate gamtat siatna hangin hong lungkim lo tektek uh hi.


Mipite le siampite in biakbuk a hong kipaipih gangawh biakpiakna tawh kisai Pasion' thukhunte thei ciat uh hi. Amaute in ganthau teng pen biakna tau ah ki-hal masa ding hi, cih thei uh hi. Tua ciangin sa pawlkhate ki-huan in siampite piak ding ahi hi. Ahi zongin sa a tamzaw pen a biakpiakna pia mite in hun man ciangin an thupi a nekkhop theih nangun amaute a kipia-kik ahi hi.

Hophni le Phinehas te in hih thukhun zui lo uh hi. Mite in a biakpiakna ganhingsate uh a huan ciangin siampi nasemte in khat veivei va pai in sikkeu-ka agol tawh a sate dawt-in sikkeu-ka ah hong zuito teng laksak thei uh hi. Khat veivei amaute in sa athau-te biakna tau ah a kihal ma in, a pumtang a sialpi in va ngen thei uh hi. Tua hileh amaute in a huan sangin sial-em thei ding uh hi. Khat veivei a nasemte in mite phalloh pipi in a sate laksak thei zel uh hi. **1 Samuel 2:13-17.**

Hophni le Phinehas te ginalo lua uh ahih manin Isreal mi tampite in meihal biakna pia dingin Shiloh ah va pia nuam nonlo uh hi.

Samuel i nu-le-pate eleh? Kum simin hong pai lai veve uh hiam? **Aneu 18, 19.**

Elkanah le Hannah in midangte a citak non kei zongin, amaute cihtak paisuak ding teel uh hi.




© sweetpublishing.com; License—<http://creativecommons.org/licenses/by-sa/3.0/>



NGAIHSUN-IN: *Hophni le Phinehas a neulai un, Eli in kam bek tawh hilo in thu ahih ding hilo hiam? Nu-le-pate in tate a thuman loh ciangin genpih bek hiloin nak hilh zawk a kul hiam? Makaite a khialh uh ciangin, eite zong thu i manloh ding mah ahi hiam?*

WEDNESDAY

 **4** Samuel hong khang hi. Kum simin a nu Hannah a beisa kum sanga a lianzaw puantual khuisak den hi. A tapa in Eli' tate bangin gamta loin Pasion deiha banga thu maan in a gamtatna a theih pen Hannah bangzah in nuam ding hiam!

Thudang khat in zong Hannah nuamsak hi. Eli in Samuel' nu-le-pate Shiloh ah a pai un bang na gen hiam? **1 Samuel 2: 20, 21.**

Samuel in a pianpih sanggam thakte kumsim-a a muh ding ciangin nak naum mahmah ding hi.

Eli in Samuel it mahmah hi. Amah in Moses gelh laite hilh kha ding hi. Tuat in Piancilna panin Thuhilhikikna dong hi. Eli in Joshua le Thukhente thu zong hilh lua ding hi. Samuel tangthu deih pen in Gideon tangthu hidingin na um hiam?

Pasion in Israel mite a piak thukhunte tawh, Samuel in Pasion mite thu a man uh ciangin bang pianga, thu a man loh ciangun bang piang cih thute hong thei khia hi. Tu in Eli' tapate gitnatlohna hangin Pasion

thu a mang nuam lo Israel mite hong tam semsem hi.


Ahih hangin Isreal gam i dinmun hong siat semsem hangin Pasion it ding leh a thu man ding a khentat tawmkhat na omlai veve hi.

Eli in a tate gamtat thei in amah in thu hong hilh leuleu hi. Amaute Pasion mai-ah a mawh khit lam-uh phawkkiksak a, kisikkik-in a kikheel kei vua leh Pasion in amaute maisak lo ding hi, ci-in gen hi. Kam tawh genpihna in a kilamdangsak hiam? **Aneu 23-25.**



NGAIHSUN-IN: *Eli in a tate a thupi mahmah siampi-a koih lai ding a kilawm hiam? Amah in kua lungkimsak ding teelzaw hiam: a tate maw, abihkeh Pasion? Kua a lungkimsak zawk ding kilawm hiam?*

THURSDAY


 **5** Ni khat, Pasion in Eli kiangah kamtai khat sawl hi. A tapate gamtatna in Pasion bangzah-in hehsak hiam cih gensak hi. Amaute in Pasion mite mawhna bawl ding huzap khin ahih manin Pasion in amaute thupha pia thei nonlo hi. Tua ban-ah,

kamtaipa in Eli tate tungah bang piang ding ci hiam? **1 Samuel 2:3, 4.**

Eli mahmah zong midangte adingin etteh huai lo hi. A tate thumangsak zolo hi. Tu in amah teek ta-a, a mit in khua mu mel nonlo hi. Pasion in Samuel pen a thupi makai dingin pattah hi, cih a theih hangin Eli in haza lo hi. Amah in Samuel pen a ta taktak bangin it lai hi. A tate a pattah khialh bangin Samuel pantah khial lo hi.

Ahi zongin Eli in a tate gamtat-siatnate khawlsak zolo hi. A paupih zel hangin a gilo a tate in ama thugen ngai lo uh hi. Tua manin a lungduai, itna a nei i Pasion in amaute tungah naupangno Samuel zangin khat vei vauhilhna neisakkik hi.

A neu lai-a kipan Samuel in Pasion it ding, muan ding leh a thu man ding na khentat khin hi. Ahi zongin Pasion in ama zak dingin ngaihtak-a hopih nai lo hi.

 **NGAIHSUN-IN:** *Midangte i huh ciangin Jesu a huh tawh a kibang abih lam na thei hiam? Bang-hun panin mite huh i kipan thei hiam? I gol khit ciang bek maw abihkeh i neu lai nangawn in zong maw?*

FRIDAY

6 Zan laitak hi-in, biakbuk kikhak khin a, Samuel le Eli zong lum khin ta uh hi. **1 Samuel 3:2, 3.**

Tha khat thu in Samuel in ama min kisam hong za hi. A lupna panin hong diangkha hi. Eli huh kisam hi kha ding hi. “Hiah om ing” ci-in dawngin




Eli lupna lam-ah hong taai hi. Eli’ a mittaw dekta ahih manin va lawng kha mai ding hi. Samuel in, “Hiah om ing. Nong sam hiam?” ci-in Eli hong dong hi. Eli in Samuel a mumang thawh hi kha ding ci hi. Tu a leh a nih veina hong paina ah Eli in bang na gen hiam? **Aneu 5, 6.**

Samuel in amin thum veina a kisap a zak ciangin banghanga Eli in hici sap den hiam ci-in lamdangsa kha ding hi. Tu in ahih leh Pasion in Samuel hopih hi ahih lam Eli in hong tel ta hi. **Aneu 8, 9.**

Samuel ihmu kik in na um hiam? Pasion in amah a sam taktak hiam? Samuel in dawn ciangin a aw ling kha mai ding hi. **Aneu 10.**

Tua ciangin Pasion in Samuel kiangah Eli leh a innkuan sunga thupiang dingteng nagen hi. Pasion in kamsang dangte a hopih bangin Samuel hopih hi. Pasion in Samuel tungah hihthu teng a gen khit ciangin amah ihmu kik thei in na um hiam? **Aneu 15.**

A zingciang Samuel in a sep dingteng a sep ciangin Pasion ama tungah bang gen hiam cih Eli in dong kei leh ut mahmah hi. Samuel in Eli it mahmah ahih manin a dahsak khak ding utlo hi. Ahih hangin a sawt loin a min hong kisam hi. Tu a amah a sam pen Eli ahi hi. Samuel in Eli kiangah Pasion in ama tungah a gen teng a genkik ciangin Eli in Samuel pen haza loin, a tungah zong heh beeklo hi. Amah in bang gen hiam? **Aneu 16-18.**

 **NGAIHSUN-IN:** *Eli pen mite’ etteh-huai dingin omlo hi. Ama khialhna khatin a tate a neulai un thu a man theih dong uh hilh teitei lo hi. A gol khit uh ciangin in biakbuk sunga a nasepte uh khawlsak ding a kai lua ta hiam? Kai nai lo hi. A khawlsak hiam? Khawlsak lo hi. Pasion in Eli a thutang zawh nading tha a guan zo diam? Guan zo lua hi. Jesu in a maan-a gamtat ding i teel nakleh hong huh thei hiam? Amah hong hibzosak thei abih manin na nuam hiam? Tu mahmah-in, tua tha-hatna hong piak tawntung nangen Jesu kiangah ngen ni.*



FURTHER STUDY: 1 Samuel 2:12–3:21; *Patriarchs and Prophets*, pp. 575–582; *The Story of Redemption*, pp. 183–185; *The Bible Story*, vol. 3, pp. 149–154.



THE STORY CORNER

Nasep ding Pasalno Kideih-Khen 1

Adapted by Amy Sherrard

Mr. Peter pen mihau khat hi a, tua ban-ah ama dan pen tuamdiak hi. A tuaci om teng mah zong mite'n amah gengenna in nei uh hi. Amah in aituum sumbawl na khat nei a, a sumbuk tawlet tungah lai suanga, "pasalno nasem kism ing ka sawl tangzang dingin," cih lai hong suang hi.

Jonny Simmons in a alawmte kiangah, "Hih nasep baih lel ding hi; Kipan in sum ka thalawh ding hi," ci a, Simmons in tua nasep hong ngen sin hi. A zingciang-in Johnny in Mr. Peter kiangah sawl tangzang dingin hong sem hi.

Nitak lam ciangin Mr. Peter in Johnny kiangah innkhum tunga innde ah kahto inla singkuang saupi sunga vante va gual in, ci-in sawl hi. "Singkuang pen a laizang ah om a, muhloh nang thu omlo hi," ci hi.

Innkhum dei pen mial-in, vot a zong nin hi. Mom-inn tawh kidim-a, zusa buk nang hoih hi. Johnny in a singkuang mu in a hon ciangin siktukilh, sikkual gial neite, sik-heknete leh tawhtang kitante mu hi. Tua van khempueh a sia vive in mu hi. Amah hihbang nasep sem dinga a kicial hilo hi cih ngaihsun in tuak-sukkik hi. Nai lang khit ciangin Mr. Peter in "Singkuang sunga vante na gual hiam" ci-in a dong hi.

Johnny in, "Lep sitset ding van zong ka mu kei hi. A sungah bangmah om kei, siktukilh kekseu khawng peuh hi," ci-in dawngkik hi.

Tua leh Mr. Peters in, "Himah hi. Tua siktukilh leh adangte mah hi, gual dinga kong sawl. Na hih hia leh?" ci-in dongkik hi.

Johnny in, "Hih keng, pu aw. Innkhum dei pen khua a mial tawh tua banga gualhtak ding van mu keng. Tua ban-ah kei pen sawl tangzang (thu-ko) nasep a sem dingin ka ki-ngaihsun hi," ci-in dawng hi.

Mr. Peters in, "aw, hi maw, ka sawl peuh a sem dinga kong sap ka kisak hiven." Tua khit teh nuhi mai kawmin khuapi sungah na hih dingin a sawl hi.



Naitak nai 6 a sat ciangin Mr. Peters in Johnny samin tua ni a sep thaman a pia hi. Tua khit ciangin lungdamko in nidang ciangin nang hong kism non lo ding hi'ng, ci-in gen hi.

Johnny in lamdangsa hi. Nasep ngah a kisak mahmah laitak hi a, a thupiangteng ngaihsunkik hi.


A zingciang mah in, "Pasalno kideih" cih lai ki suangkik hi. Ahi zongin tua laisuan pen sun 12 ma in ki lakhia-kik hi. Tutung in Charlie Jones in nasep ngah hi. Amah zong sai khak madeuh nai khat dong nasep kisawl a, tua khit ciangin innkhum a singkuang vante gual dingin Mr. Peters in sawl hi.

Charlie ahih leh khua-mial, zusa cihte lau lo hi napin singkuang sungah vante gualhtak mu lo hi. Tawm sung bel amah in tua vante singkuang

sungah tokgawp hi. A vek phial-a paihhuai sa hi. A tawpna ah, amah in siktukilh tawmkhat leh tawhtang khat le nihte hong tawisuk hi.

Mr. Peters kiangah, "Vanteng lak ah hihteng bek keptak sa ing. A omlai te ahih leh kekseu leh kawi gawp in buaipih tak nonlo hi," a ci hi.

(Zop Lai Ding)



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.